

Headline	700,000 pendeposit Tabung Haji tidak aktif		
MediaTitle	Utusan Malaysia		
Date	08 Oct 2019	Color	Full Color
Section	Dlm Negeri	Circulation	107,609
Page No	2	Readership	322,827
Language	Malay	ArticleSize	156 cm <sup>2</sup>
Journalist	N/A	AdValue	RM 3,083
Frequency	Daily	PR Value	RM 9,250



## 700,000 pendeposit Tabung Haji tidak aktif

**KUALA LUMPUR 7 Okt.** - Lemba-ga Tabung Haji (Tabung Haji) mengenal pasti lebih 700,000 akaun pendeposit sehingga Ogos lalu melibatkan jumlah simpanan RM60.4 juta, tidak melakukan sebarang transaksi melebihi tujuh tahun berturut-turut sejak 2012.

Tabung Haji dalam kenyataan di sini berkata, akaun yang masih tidak diaktifkan selepas 1 November ini akan dipindahkan ke dalam kumpulan Akaun Tidak Aktif.

Tambah kenyataan itu, amaun yang dipindahkan ke Akaun Tidak Aktif tersebut masih lagi boleh dituntut dan dib-

ayar kepada pendeposit TH menurut peruntukan Seksyen 23(2) Akta Tabung Haji 1995.

"Tabung Haji menasihatkan pendeposit untuk mengaktifkan akaun masing-masing sekurang-kurang satu transaksi simpanan atau pengeluaran di mana-mana cawangan Tabung Haji, kaunter atau dalam talian dengan rakan strategik kami seperti Bank Islam Malaysia Berhad (Bank Islam), Bank Rakyat, Malayan Banking Bhd. (Maybank) dan CIMB Group Holdings Bhd., di seluruh negara.

"Pendeposit juga boleh menyemak status akaun mereka di saluran terbabit dengan membawa kad pengenalan

masing-masing," kata kenyataan itu di sini hari ini.

Tabung Haji akan mengingatkan para pendeposit untuk memastikan status akaun sentiasa aktif, di samping mengemas kini data peribadi seperti alamat, nombor telefon dan penamaan waris bagi memudahkan pendeposit atau waris mereka dihubungi untuk urusan penghantaran surat tawaran haji serta pengurusan akaun.

"Untuk sebarang pertanyaan berkaitan akaun tidak aktif atau sebarang perkhidmatan Tabung Haji, orang ramai boleh menghubungi talian Khidmat Pelanggan (THCC) di 03-6207 1919," ujar kenyataan itu.